

12975

駐藏大臣沿革考

—— 康藏資料 ——

〈 上 冊 〉

民族文化宮圖書館複制

1961年9月

说明

1251

本书系根据重庆市图书馆所藏刘赞廷草稿和四川省民族事务委员会替我馆在刘赞廷家中搜集到的一些资料草稿复制的。

刘赞廷，河北人，清末在川滇边务大臣兼驻芒太臣赵尔丰下任职。民国初年任川边军分统，后又任伪蒙疆委员会调查室主任等职务。此稿据他自己说是：“历边十四年，从事研究夷务”时辑录而成。（见“边羌刍言”）

依“边羌刍言”〔刘赞廷著〕记载，此稿包括：“〔甲〕边务记录八十卷——〔乙〕像片三十余张——〔丙〕地图五十余张——。现存的稿件除照片已失散不少外其他稿件和原记载大体相符。内容计有“西康通省记略”“西羌历史择要”“赵尔丰奏议公牋”以及西康芒地区地方志等。对西康芒地区的山川形势，地域沿革，政治经济，~~地方人情~~，~~历代遗迹~~，喇嘛寺院以及所谓“改土归流”的经过（~~都有所记载~~），对西康芒的史地研究，有一定的参考价值。

原稿颇为另乱，附件照片很多有上下文连接不上的地方和错别字句，对此我们均未作任何补充和修改，仅对无法辨认的字，根据上下文的意思代为填入。地图多条草图，我们选印了

其中比较完善的附于书后，原先尚存三百余张，多系名胜古
迹、风景人物、关隘佛寺、士人习俗等，均无说明，故未复
制。

民族文化宫图书馆

1960 年12月

小引

西藏高原為萬國山水發源之地部落分據不知凡幾百年迨至唐初藏王松贊岡布一名贊普唐書名棄宗弄贊建吐伯特為國於拉薩貞觀六年來朝十五年辛丑太宗以文成公主聘藏改吐伯特為唐古忒是為西藏通中國之始聖歷元年戊戌復以金成公主下嫁漢藏聯歡以終唐世趙太祖玉斧金河以西藏為之北外元世祖西征拔發思巴王藏稱為吐谷渾區分治置都元帥府明代為烏斯藏襲元之制封其官不聞其政二百餘年太平無事自宗喀巴改革黃教以大二弟子達賴喇嘛與班禪額爾德尼輪迴轉生世為呼畢勒罕分駐前後藏始有二藏之分清初崇德七年達賴喇嘛遣使統道奉天上萬壽无量經太宗建宣盛寺以記其事順治九年迎第五世達賴晉京藉宗教聯和蒙藏封達賴為統領天下釋教西天大善自在佛回時以固山貝子熱茶伺儀兼為鋪墊大臣康熙三十一年達賴因寂第巴桑結欲專國權秘不發表旋經拉藏汗聚兵討之誅第巴桑結上嘉其勇詔封拉藏汗為翊法恭順汗於四十八年乙亥派侍郎赫壽赴藏協同拉藏汗辦理藏事為駐藏大臣之始「溯之往」考自唐以迄已有一千數百餘年歷代處於西藏者唐以和蕃宋為化外元世統制明代用之羈縻清室重佛藉宗教聯合滿蒙置西南之屏藩籍入版圖成立五族共和為一家良可宜也乃因地處險遠依其俗閉關自守以致文化不彰比自歐風東漸強鄰環伺幾危邊圉為國人重視知者為國家領土否則視為附庸自雍正五年丁未置大臣駐藏同一行省迨至宣統之末前後駐藏王副大臣一百二十餘人宜有裨於藏政者良多而弱於斯職者不乏其人因此爰蒐輯成是書以為研究藏事者之資料惟以文義謬陋愧感不逮猶望讀者原之一九五〇年東光燮丞劉贊廷識於成都旅次

例 言

一、駐藏正副大臣共一百二十二人係抄之理藩部及清史館檔案因年代久遠鼠盜虫蝕僅得其一百十有二人缺者再考作為遺補

二、駐藏大臣前後奏議凡數百卷亦有成書付刊行世者因篇幅有限擇要撰輯不錄全文較為明顯

三、西藏地名人名係為漢音之轉往往有不同者附如註解備為讀者一目了然

四、此書專為駐藏大臣經過之事實刪繁就簡次第編集乃因年久置一失百尚有不逮之處就望知者指導為幸

清世宗鼎光平三藩以武功協助達賴宏揚宗教志在蒙藏至康熙三十一年第五世達賴因寂第巴桑結欲專國事乃為拉藏汗所忌其第巴者官名係七品以下之官有司糴糶第巴牛羊第巴桑結原為司賬第巴故名第巴桑結自幼隨從達賴智略多謀一心腹也達賴上書言年邁凡國事決於桑結乞賜爵位聖祖詔封為法王而為拉藏所忌拉藏汗係為青海圖始汗之孫世襲藏王桑結欲以除之恐力不足以濟龍吟因克圖往說噶爾丹南攻青海以分其勢密派昌側集外捷道東犯打箭鑪殺明正土司錫拉札克巴伴言為青海兵係假禍於圖始汗也

康熙二十三年詔四川提督唐希順率兵赴打箭鑪驅剿平之以土司之妻滾噶襲職祇知達賴已死因桑結欲專國權秘不發表聖祖遣京師喇嘛入藏探之歸言桑結使以遙望札拜見高樓絳紗之中有人趺坐烟雲環繞不明真相云

康熙三十六年聖祖親征噶爾丹尽收其地噶爾丹為厄魯特族之強者因不和於蒙古敗之據云此行非本意係達賴來使言南征大吉是以深入上謂達賴在必死其事即遣使入藏責桑結書曰朕詢降蕃皆言達賴喇嘛脫腦（死）久矣爾至今匿不奏聞且達賴在日塞

外元事者六十餘年尔乃屢唆噶尔丹兴戎乐禍逼法安在达賴班禪分主教化尚未玄相为世达賴如果厭世当告諸護法王以班禪代理宗教乃使众不尊班禪而尊己竟阻班禪進京之行朕欲和解準噶两部尔家使昌側集列东祀打箭鑪殺土舍假禍于固始汗以濟龍呼國克圖往說噶尔丹之叛为賊軍卜云蒲經張盖山上观戰勝則献怕不勝代为媾款以劳我边師皆係尔唆噶尔丹之由今以殄滅準夷告捷礼以噶尔丹佩刀一及其妻阿奴之佛像一佩符一齋往使至之日令达賴晤面令班禪来京執觴以昇我如其不然朕檄其雲南四川陕西之師見汝城下改其糾合四厄魯特之人以待且勿悔也

第巴桑结奉詔大懼遣使密奏言为众生不幸第五世达賴已於壬申年寂轉生静体今十五歲矣前恐唐古忒人民生变故未发表今当丁丑年十月二十五日丑寅坐床求大皇帝勿宣泄至班禪因未出痘疹不敢至京濟龙呼國克圖当竭力致之京師乞全其身命上許以秘之时準噶尔汗为策妄阿喇蒲坦当征噶尔丹时助兵随剿欲得其地旋被桑结所阻结为寇仇此桑结使归途被策妄所获始知达賴已死十五年秘不发表傳集各蒙古宣其秘密欲兴问罪之師共同上書云藏中旧規达賴因寂班禪代理班禪因寂达賴代之或同时年幼以法王代之攝政今达賴因寂匿而弗宣桑结竟敢自行另立达賴违法倡乱以危宗教現蒙古青海諸台吉共議乞請明正其罪共同討之聖祖外策妄桑结二人皆巨測未之許也

拉藏汗为固始汗之孫固始汗者係和碩特族父名哈尼为和碩特部長母名阿赫哈騰生五子汗为第三子生於壬午年原名圖魯邦虎年十三即統制諸戎破俄迦萬軍威名远震所向无敌生蕃饗服当第三世达賴鎖朗嘉穆捷於隆庆中蒙古順义王俺荅据青海躬入西藏迎达賴至青海建仰華寺奉之大会諸部酋長飲長生水傳諸佛法达賴戒其好殺勸以東还而俺荅亦劝其早通中國乃至甘州神宗遣大学士張居正北巡与达賴会晤上書云达賴非比邱为先知先覺死

后不还真性遂封为西天自在佛丙午年固始汗二十有五时喀尔喀与厄鲁特部交訖戰禍蔓延地方荼炭民不安業汗聞之以兵馳赴喀尔喀居間調处两部酋長感汗誠意即罷兵和好事为东科法王所重增名固始汗遂其名焉及返見厄魯特人悉誦金光明經詢之始知为第三世达賴所傳受於斯大昭以佛能收人心回部自为施主翻譯各經建聖教寺宣揚佛法初北方羌人大部内乱有却圖一支散入喀尔喀后諸部追尋却圖逃往青海數年大治乃无信仰凡俺卷王所建寺院經典概行毀之尤为嫉視达賴为汗所忌遂引兵向罪却圖有雄兵四万为汗所敗尽得其地重兴佛教迨西藏内乱移兵西进深入拉薩时諸法王聞而惧之既見擁護佛法悉来归服尊汗为大宝法王汗宿格登尊勝洲时为黑月二十七日夜半忽現異光明朗燿如同白晝知藏地必有聖者立即於是年班師还青海聞康地有白利土司名不空金剛者專崇巫教凡黃教諸派一律摧殘並將宣教大師管押凌害己卯年五月汗率兵至白利於庚辰年获白利土司及其餘党悉行於法釋放管押各派大師乘勢收服全康北至西夏王之地貢差納賦時西藏復行内訖前有預言蛇年黎明天現白光天罡地煞为乱胡地扰动时有魏喀发难侵略藏衛人受荼炭飢寒瘟疫流行而至九年后即据衛藏之烏茹須流血雨七年兔年始得安息龙年如大雷震动蛇年如蛇脱壳至卯年方得灾难滿足尽合預言时为迦斯王朝係奉紅教破壞黃教汗聞之率雄兵数百万西指尽吞迦斯王地东至貢波獲王子尚忠執於法凡西藏王侯无不俯首稱臣於壬午年平定西藏自称为王时印度王柯幸尼泊爾王楊布以及阿里諸法王来朝进献方物遂将全藏三区十三洲政教全权供献第五世达賴喇嘛建为格登頗章王朝留其子駐藏協助达賴自还青海拉藏汗即其孫也

附注固始汗小傳係譯之藏史和碩特者为蒙古部落名属青海西部分和碩特西左翼后旗和碩特西右翼后旗和碩特西右翼中旗固始汗为西右翼中旗人

喀尔喀属綏遠古漠北之地秦漢時匈奴後魏奄有突厥回紇之地元定諸部建都於此後建為嶺北行省明初順帝子依王保保即在此其後部落名稱喀尔喀即今外蒙古喀尔喀四部是也厄魯特另詳

白利土司現屬西康甘孜縣時圖始汗佔領全康北至玉樹縣东至飞越嶺南至得榮西至昌都順治九年達賴晉京獻董卜韓胡沈边六处土司内附

宗教内分黃教紅教白教黑教薩迦教另輯專書詳之

西藏自万曆中葉至崇禎之末四十餘年遂有迦斯王朝仅有衛藏之地教派分爭仍为一紛亂時期時達賴幼稚無力制止乞請固始汗兩次來援原文无乞請二字或為譯者之誤也

第五世達賴生於万曆四十五年丁巳第一次固始汗援藏仅數歲至崇禎十六年二十五歲建格登頗章王朝統一全藏

格登頗章即噶尔丹寺一名甘丹寺距拉薩以东九十里為宗喀巴修道之故宮喇嘛万余置呼圖克圖管理凡歷代藏王所定之例規存儲寺内遇有國事就此會議決之為西藏宗教之法院亦為最高之学府故建国以格登為國号係念宗喀巴創業之艰难至此統一全藏為王之為始也

固始汗十三歲統制諸戎北和喀尔喀厄魯特定青海克服全康兩定藏亂雄才大略徃霸西南而將所得之地供獻達賴喇嘛建国自行引退實為宗教中之佛子藏王中之傑臣也

拉藏汗以係王位以名為汗本性剛直因為功勳之裔人民倚重既見第巴桑結竊國弄權由此不睦而桑結欲專國事惟汗為礙設計謀害旋被該汗集众申討獲而磔之上嘉其勇詔封拉藏為翊法恭順汗專任康熙四十四年以桑結所立之假達賴詔執至京師行至青海病死拉藏与藏人另伊喜嘉穆援為第六世達賴而青海諸蒙古復不誠信別奉裏塘羅布藏噶桑嘉穆援為第六世達賴諸蒙古迎至青海請賜冊印兩与藏中所奏玄相是非上恐構釁詔至青海暫居塔尔寺

於四十八年命侍郎赫壽赴藏協同拉藏汗辦事意在調處嗣后改為熬茶欵差

厄魯特蒙古之別種始役於元后漸繁盛而準噶爾尤強奄有新疆厄魯特族尚有旧土尔扈特四部新土尔扈特四部時準噶爾汗為策妄阿爾布坦其妻為拉藏汗之姊並贊其子丹衷為婿因蒙古別奉達賴否認藏中所立之達賴拉藏汗未之理也聖祖以準噶爾謫詐勅拉藏汗毋特親疏頒嚴防之拉藏汗毫而嗜飲不以為意於康熙五十五年策妄以台吉官車零款多布車精兵八十徒步繞戈壁逾和闐大雪山昼伏夜行達於藏界詭云送丹衷夫婦為名沿途無阻闖入拉薩殺拉藏汗獲其妻子搜集各寺重囚運回伊犁禁藏中所立達賴於扎克寺遂以東犯臨拉里以至碩板多等處

康熙五十六年詔西安將軍額倫特帥兵八千往剿遣侍衛色楞額青海蒙古兵六千逾拜都嶺額倫特軍在庫賽嶺賊倖敗暗伏精兵於哈拉烏蘇江比至兩軍相會賊众万餘以其丰掘江阻其前進而分兵潛云其后截斷餉道月餘粮尽矢竭全軍覆沒賊氛益熾時青海蒙古皆憚以藏勢奏言達賴喇嘛可隨地安禪俾免王師遠涉之勞而王公大臣以懲前敗因地險遠聖祖以西藏為青海滇蜀之屏藩且宗教尤閎滿蒙苟準夷盜据將來边无寧日决意討之

康熙五十七年以皇子允禔為撫遠大將軍屯青海木魯河治諸粮餉將軍傅爾丹與富寧安分屯巴里坤阿尔台以獵其北四川將軍噶爾弼云打箭鑪西安將軍延信經青海兩路並進於斯藏中亦知青海所奉為真達賴桑結與拉藏汗所立之膺乞請於朝設置裨欄上許之於五十九年蒙古汗王貝勒台吉等各自率所部兵旅或數千或數百隨清軍扈從達賴入藏軍容整車零款多布由中路自招青海軍以桑結降番四千堵拒南路時南路將軍噶爾弼已招巴塘裏塘番众進至察木多奪洛隆宗三壩橋之險旋奉大將軍檄俟期並進噶爾弼恐期久潰粮納副將岳鍾琪以番攻番之計使土司為前驅造皮船渡河

直抵拉薩降番數千分兵隘要扼故餉道時青海軍亦三敗賊衆一日劫營斬俘故兵千計而賊腹背受敵遂以大潰不敢回藏由旧路北竄旋被將軍傅爾丹伏兵截殺得以生還伊犁者不過數百人詔封第六世達賴喇嘛為西天大善自在佛於九月坐牀將拉藏汗所立之達賴移至京師凡桑結準噶爾助逆之喇嘛於軍前正法留蒙古二千以拉藏汗屬將貝子康濟爾駐紮前藏台吉頗羅鼐駐紮后藏御製平定西藏碑文勒石建於拉薩之大招門壁

聖祖仁皇帝御製平定西藏碑文昔者太宗文皇帝之崇德七年班禪額爾德尼達賴喇嘛固始汗謂東土有聖人元特遣使自人跡不到之區經仇敵之國閱數年始達盛京至今八十載同行善事俱為施主頗極安寧后達賴喇嘛之殆第已隱匿不奏十有六年任意妄行拉藏滅之復興其法因而允從拉藏苦苦懇乞群衆公同之請中間策妄阿喇蒲坦妄生事端動準噶爾之衆肆行奸詐滅坏達賴喇嘛并廢第五輩達賴之塔辱峨班禪毀壞寺廟殺戮喇嘛名為興教而實滅之且欲竊據國伯特國朕以其所為非法爰命皇子為大將軍王又遣朕子孫等調撥滿洲蒙古綠旗兵各數萬歷煙瘴之地士馬安然而至賊衆三次乘夜盜營我兵奮勇出殺賊皆喪胆遠遁一矢不发平定西藏振興法教賜呼畢爾汗冊印封為第六輩達賴喇嘛安置禪榻撫綏國伯特僧俗人衆各復生業於是文武臣工咸謂王師西討歷瘴癘險遠之區曾未半載輒建殊勲似古所未有而諸蒙古部落及國伯特酋長亦合詞奏曰皇帝勇略神武超越往代天兵所臨邪魔掃蕩復興蒙古向所尊奉法教坎麻藏衛等部人衆咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕以何功焉而群衆勒請不已爰紀斯文立石西藏俾中外知達賴喇嘛等三朝恭順之誠諸部落累世崇奉法教之意朕之此舉所以除逆撫順綏衆興教云爾

雍正元年青海喇嘛助羅卜藏丹律作亂以大將軍年羹堯討之

丹律竊藏差四川松潘鎮總兵周瑛率兵三千云打箭鑪雲南提督都王麟統領官兵二千駐察木多以為聲援周瑛由北路經三十九族捷道前進合藏軍康濟鼐兵夾攻於陽巴井匪勢不支追至噶爾藏骨岔大雪山丹律走死是年班師勒封藏官

雍正三年岳鍾琪奏在康熙六十年收復喀木西南之魯隆宗察哇坐爾剛桑噶吹宗衮卓及雲南之中甸諸部落遠員勘查原非藏地且距打箭鑪遙遠制之不便請旨劃歸西藏就近管理於雍正四年世宗將此部落賞給達賴喇嘛為香火地派宗室副都統鄂齊內閣學士班第提督周瑛赴藏宣諭勘定界址以寧靜山以西屬藏以東屬川遂將藏中形勢以及將領不和各情形分晰具奏盡得其詳

附注岳鍾琪收服喀木以南各部落差成都都府同知馬世衍四川提標后營游戎黃善林前往勘查中甸劃歸雲南餘則賞給達賴喇嘛其魯隆宗即洛隆宗察哇即察窪岡分上中下三察窪岡為他念他翁山之中幹現屬科麥縣坐爾剛現名左貢桑噶吹宗一名桑昂曲宗現改為科麥縣衮卓一名閩角亦名貢覺現改為貢縣寧靜山即寧靜山脈之中脊其界碑一在邦木塘一在達拉寺

將領不睦西藏政治達賴之下設噶布倫四人一僧三俗共同辦事管理一切事宜時藏中勲爵悉為準噶爾亂藏出力之人以康濟鼐頗羅鼐分屬前後藏之外尚有阿尔布巴隆布鼐札尔鼐等為噶布倫阿尔布巴者係工布人當準噶爾掘藏東犯時扼守江達迎師嚮導有功封為貝子管理工布波密一帶地方因各恃勲績與康濟鼐不睦世宗詣副都統馬拉齋詔赴藏宣諭及達賴之父並其舅各賞銀一千兩和衷共事擁護宗教為旨

雍正五年貝子阿尔布巴等謀殺康濟鼐因阿尔布巴兼理噶布倫事務見康濟鼐权势威赫暗通準噶爾以熬茶為名襲藏與隆布鼐札尔鼐為內應時策妄已死其子策楞立請赴藏熬茶並言送還以前所擄拉藏汗二子世宗尹責遂命內閣大學士僧格馳先赴藏撫綏人

民令副都統馬拉保護達賴暫避泰寧寺將遣左都御史查朗阿為正師護軍統領邁格西爾鎮總兵周升捷副之官兵八千云青海散秩大臣周瑛携副將楊大立張翊官兵三千云打箭鑪雲南鶴麗鎮總兵南天祥副將姚起龍馮鑾統兵三千云阿墩子三路竝進周瑛由三十九族捷道至墨竹工卡聞頗羅鼐糾合后藏阿里番兵五千直搗拉薩已擒阿尔布巴等俟大軍到藏縛而獻於軍前公同審訊磔之詔封頗羅鼐為郡王總其全藏軍務世宗詔王公大臣覆議西藏數年之中三次糜爛係因達賴禪修深宮為人蒙蔽乘機置駐藏大臣協理達賴喇嘛以便監視藏政名曰熬茶飲差苗川陝兵二千分駐前后藏沿途設台戍兵鎮守是為西藏設置大臣之始是年班師雲南官兵四百餘人行至一柱峯下見風雲變色即令紮營一夜風雪全行凍死

附注一柱峯名大合一柱拉為瓦合山之極峯高拔海面一万三千餘尺吸力薄弱遇有冽風呼吸不支即閉氣而死此滇軍係遇烈風而死非為凍死旧称瘴癘即謂此也

第五世達賴自崇德七年遣人至盛京締結善事迄至雍正已百有餘年清室經營西藏不遺餘力者實為宗教能以聯合蒙藏時乘機置駐藏大臣協理達賴整頓內政樹西南之藩籬籍入版圖由此太平无事者百余年俾使佛教宏揚計已良深乃駐藏大臣悉為滿蒙人充之賢能弱賤良莠不齊藏人文不振迨至清季強鄰環伺无法制止猶於非藏人之痕也茲將駐藏正副大臣沿革制略以及姓名籍貫分而述之於下

瑪拉窩察氏滿洲正黃旗人由雍正五年正月至十年三月又由雍正十一年正月至乾隆元年為辦事大臣於其年十月協助頗羅鼐討平阿尔布巴之乱準噶尔侵犯巴里坤卡倫等處率隊云防騰格里海以遏奔藏之路八年請給貝勒頗羅鼐印詔十年奏請達賴回藏詔果親王僧章嘉呼圖克圖指泰寧賜宴達賴喇嘛久寓藏地諭其回召命副都統福壽兵部郎中祁山理藩部郎中拉布坦四川提標中軍副

將張學聖率領泰寧駐防官兵五百名隨同果親王扈從達賴喇嘛回藏四月自惠遠衛起程於七月望二日抵招九日入布达拉坐牀遠郎中祁山副將張學聖率兵二百五十名護送章嘉呼圖克圖赴后藏扎什倫布宣諭班禪額爾德尼傳衣授戒

僧格由雍正五年正月至十一年七月為幫辦大臣於是年十月協同瑪拉富助頗羅鼐討平阿爾布巴成功由八年起至十年每年率隊至騰格里達木等處換防以備準噶爾侵藏十年招撫巴勒布即廓爾喀今之尼泊爾之布顏汗葉楞汗庫庫木汗三部內附十年派員赴布魯克巴即今之布丹調處噶畢與諾彥林親之糾紛招其內附

附注布魯克巴藏名扎什曲宗其域名塔西芬登距拉薩以南一千零四十里在喜馬拉雅山之南東西長約一千二百餘里廣五六百產五穀花果居民一萬四千餘戶俗從紅教其疆域北界西藏東界緜瑜南界印度之孟加拉省西界哲孟雄為藏印往來之孔道其風俗與藏相同尚以獨立為國唐顯慶二年入貢封為汗位藏人稱為山南王至雍正九年番目諾彥林親與噶畢構隙相仇噶畢力弱頗羅鼐援助諾彥林親亦遣人赴駐藏大臣僧格處歸誠並獻唐時勅封冊印名唐師國寶之印僧格奏奉諭旨委員前往調處未幾噶畢卒人民仍歸諾彥林親管理遂以內附入貢封為勒汗隸屬駐藏大臣管轄

青保由雍正十年至十二年為辦事大臣每年率隊至騰格里海察勘防務以備準噶爾之患十一年於色拉寺前建扎什城駐紮漢兵並培修南堤

附注扎什城距布达拉以北十二里與色拉寺一水相望南堤即招木倫河藏史載拉薩昔為一湖以神羊負土填之成為陸地蓋此湖為招木倫河溢水之渰灘當松贊國布於此建國由馬爾布山即布达拉西連藥王山至河邊砌石為堤以遏北溢之水脫為陸地名為拉薩雅人稱山為拉雅地為薩即謂拉薩為山中一綫之地以堤至康熙六十年堤勢頽唐經定西將軍策圖諾爾布重建定名南堤因工程未竣

復經青保補修而俗傳馬爾布山藥王山與招拉筆洞山原為一山峯
頭向東曲身如龍故建宮於馬爾布山係居其龍頭將來必云天子雄
霸華夏時文成公主見而憂之遂積壘堤於藥王山中瑩石壘斷龍脈
以免后患由此藏人呼此堤為搖鈴却脉是為土人故事中一段佳話

苗壽由雍正九年六月至十二年為駐藏幫辦大臣雍正九年同
青保楊大立等率領川兵一千五百名云防騰格里海以防準噶爾

阿爾璉由雍正十二年八月為辦事大臣於是年至藏即卒

那蘇泰由雍正十二年至十三年為辦事大臣

抗奕棟兒顏滿洲鑲紅旗人由乾隆元年至五年為辦事大臣於
三年二月奏額納特珂克部及拉達克汗德忠那木扎爾上表進貢方
物四年巴勒布庫庫木布顏叶楞三汗內訌終年不休抗奕棟遣貝勒
頗羅鼐前往宣示德意息兵和好三汗欣然听命呈報戶口清冊進貢
獻金銀絲緞珊瑚金珠等物復奏克什米爾布魯特巴爾底薩哲孟雄
布魯克巴入貢

附注額納特珂克據蒙古源流考額納特珂克部為吐伯特祖最
直贊布之故國居印度中央度其勢在拉達克之南尼泊爾之西南其
內容未詳再攷

拉達克一名噶達克即古之严達國為后藏極西之地據西馬雅
山之虛水向西流名薩特里日河其境東西約一千五百餘里南北七
八百里北界叶爾羌東界阿里南界廓爾喀西界克什米爾內分五城
其人民樸實係奉回教原為印度所轄之國於康熙三十七年被第五
世達賴征服隸屬西藏至此進貢獻方物

克什米爾一名克什米耳元史為乞什米耳即古之屬賓國唐名
迦濕彌羅原屬塞哥國印度亡后割本若一部與英獨立為國其疆域
北界新疆東界藏衛南界本若西界阿富汗其城名色靈那加踞大平
原一水環繞名印度河氣候溫和產稻棉其人民係奉回教修髯偉貌
遠遊販賣普遍西南藏人呼為纏頭回子因其白布裹首也乾隆三

年内附进貢至五十八年派大头目三人为資以二人住拉薩一人住后藏听差伺貢以表至誠由色灵那加城经冈底斯山高原东至拉薩二千八百里据某探險家由边界諾和起至拉薩八百八十三公里布魯特一名庫努特即古之塞王种也漢名休循分二部唐称东部为小勃律西部为大勃律悉为喀什噶尔回族人民狃得喜于爭鬥不畏法制其疆域北界天山西据葱嶺南接克什米尔南北数千里群山环统一游牧之区乾隆三年入貢至二十四年内附光緒四年新疆建省北置疏勒縣南置崑崙拉設治局

巴尔底薩属印度之加尔喀达一小部落隴哲孟雄以南东連布魯克巴西接廓尔喀乾隆三年內附四十八年廓尔喀进貢統道此地其酋長供給夫馬護送以表至誠

哲孟雄藏名哲門亦孟地現名西金距拉薩西南一千一百八十五里踞喜马拉雅山之阳气候适宜森林弥漫產五穀其疆域居於布魯克巴廓尔喀之間南界尼泊尔北界藏衛其風俗与藏相同在元明之世已封为王国乾隆三年內附进貢至光緒亡於英現乃独立为国

布魯克巴詳前廓尔喀另詳当乾隆三年準噶尔汗策楞復請入藏熬茶高宗許之時頗罗鼐訓練精騎步兵万五千八分駐騰格里海生格务等处設卡以遏準噶尔叶尔羌之路軍容甚整自是準噶尔不敢南窺致有以上部归來

纪山由乾隆三年至六年又由十四年二月至十二月为駐藏办事大臣纪山二次赴藏係为珠尔默特那木扎勒继其父頗罗鼐之職執政蓄有叛心高宗派纪山前往察看並令其教导防範既抵藏后与珠尔默特厘与委蛇一味敷衍为能事未幾珠尔默特叛乱高宗以纪山不善防範賜之自尽焉

素科由乾隆六年九月至十年为办事大臣於九十两年与頗罗鼐严防各路及準噶尔來藏熬茶第巴煽誘藏众严勵防範卒不得逞十年準噶尔請和奏撤西藏东部所設塘汛以免糜費

傅清富察氏滿洲鑲黃旗人由乾隆九年六月至十三年三月又
由十四年二月至十五年十月為辦事大臣於十一年奏准恢復自西
藏至打箭鑪沿途塘汛官兵十二年派兵防範準噶爾令珠爾默特策
布敦駐紮阿里克以宰桑先期前往騰格里海駐防是年六月準噶爾
遣使進藏恭即調兵數千於各處設卡防守以備不虞十五年二次抵
藏察知珠爾默特那木扎勒叛形顯著於十月十三日與幫辦大臣拉布
敦協同招珠爾默特手刃誅之遂亦身殉

拉布敦董鄂氏滿洲正黃旗人由乾隆十三年四月至十四年正
月又由十四年十二月至十五年十月十三日為幫辦大臣因珠爾默特
謀叛與傅清招至駐藏大臣公署數其罪誅之同以身殉

附注乾隆十五年頗羅鼐死其子珠爾默特襲封郡王以駐藏大
臣不便於己先奏罷駐防之兵暗通準噶爾來援自為內應先殺其兄
揚言準兵已至聚黨數千時駐藏大臣都統傅清幫辦大臣左都御史
拉布敦知其叛逆欲先發制惜左右死兵乃設計誘珠爾默特來公署
議事乘其登樓以手刃之同處被害高宗命四川總督策楞提督岳鍾
琪攜兵一萬西出鑪關未至聞達賴喇嘛已使番部班第聚兵拉薩
將逆黨擒獲上詔磔之責傅清拉布敦一等伯並勅立雙忠祠永禁西
藏與準噶爾通往未至此西藏不封汗王貝勒以四噶布倫分其权宜
總之於達賴以四川綠營二千分駐前後藏沿途設台率兵鎮守於是
駐藏大臣與達賴喇嘛权衡並行凡藏中地方練兵防禦山川形勢列
圖入奏

塘汛自乾隆十一年置打箭鑪集和協游軍一員察木多游軍一
員及五十九年添設靖西游軍一員都司六員守備十二員千總二十
四員把總四十八員外委十員額外十員東由打箭鑪西至拉薩由拉
薩至后藏日喀則每三十五里建夫站一所七十里建宿站一所名曰
台站每站駐馬步兵四名或八名管理傳遞公文名曰塘勇共一千六
百名分駐沿途鎮守後設打箭鑪裏塘巴塘察木多拉里前藏后藏七

外糧各員各一員專管驛站輸運糧餉一名糧台統屬於駐藏大臣管轄傅清係大學士傅恆之弟福康安之叔父駐藏六年定駐藏大臣例規及達賴所屬各机关例規練兵防禦建功甚偉死后封世襲一等伯奉旨於拉薩大格東北建双忠祠至五十九年福康安奏請重建現仍在焉附各机关

駐藏大臣衙門

駐藏辦事大臣一員

幫辦大臣一員

文案一員副文案一員

藏文筆帖式一員

回文筆帖式一員

蒙文筆帖式一員

風俗台吉一員

兵役台吉一員

書記二員

護衛兵一百二十名

西藏政教統一以布达拉宮為政府達賴宮內之官係為喇嘛充之其組織官職如左

增本堪布即大仲譯一名

小仲譯四名

基交堪布一名

邀本堪布一名

卓尼青模一名

根躬一名

堪青二名

車地匡仔一名

達納嘛一名

管理文牒

管理文書

管理宮內一切事宜

管理經典卷宗

管理丞啟

管理講議

管理僧官

管理財政

管理侍衛